

四庫全書

子部

欽定四庫全書

子部

冊府元龜卷二百六十五至  
七十五

詳校官中書臣王鵬

員外郎臣牛稔文覆勘

總校官庶吉士臣何思鈞

校對官助教臣黃昌祺

謄錄舉人臣任兆炯

謄錄監生臣崔堂

欽定四庫全書

冊府元龜卷二百六十五 宋 王欽若等 撰

宗室部

封建第四

北齊廣平公盛高祖從叔祖高祖起兵於信都以盛為  
中軍大都督封廣平公

永安王浚高祖第三子東魏元象中封永安郡公天保  
元年進爵為王

平陽王淹高祖第四子東魏元象中封陽平郡公天保元年進爵為王

彭城王浹高祖第五子東魏元象二年封長樂郡公天保元年封彭城王

上黨王渙高祖第七子東魏元象中封平原郡公天保元年封王

襄城王消高祖第八子東魏元象中封章武郡公天保元年封王

任城王湣高祖第十子天保元年封

高陽王湜高祖第十一子天保元年封

博陵王濟高祖第十二子天保元年封

華山王凝高祖第十三子天保元年封新平郡王九年  
改封安定十五年封華山

馮翊王潤高祖第十四子天保初封

漢陽王洽高祖第十五子天保元年封

清河王岳高祖從父弟後魏太昌初封清河郡公食邑

二千戶天保元年進封

平秦王歸彥高祖族弟天保元年封

武興王普歸彥兄子天保元年封

襄樂王顯高祖從祖弟天保元年封

廣武王長弼高祖從祖兄子天保元年以宗室封

上維王思宗高祖從子天保初封

河南王孝瑜文襄長子東魏封河南郡公天保元年進

爵為王

廣寧王孝珩文襄第二子天保元年封

河間王孝琬文襄第三子天保元年封

蘭陵王長恭一名孝瓘文襄第四子

安德王延宗文襄第五子為文襄所愛年十二文襄嘗問欲作何王對曰欲作衝天王文襄問揚悖曰天下無此郡名願使安於德於是封安德焉

漁陽王紹信文襄第六子

太原王紹德文宣第二子

范陽王紹義文宣第三子初封廣陽徙封范陽

西河王紹仁文宣第四子

隴西王紹廉文宣第五子初封長樂後改焉

樂陵王百年孝昭第二子大寧中封

汝南王彥理孝昭子武平初封

始平王彥德城陽王彥基定陽王彥康汝南王彥忠並

孝昭子與汝南同受封

南陽王綽武成第二子初名融字君明出後漢陽王河



清二年改封南陽別為漢陽置後

琅邪王儼武成第三子天統二年封東平王後改封

齊安王廓武成第四子天統二年封

北平王貞武成第五子天統二年封

高平王仁英武成第六子天統二年封

淮南王仁光武成第七子天統二年封

西河王仁機樂平王仁邕潁川王仁儉安樂王仁雅丹

陽王仁直東海王仁謙並武成子天統三年封

後周晉公護太祖兄子魏帝初封池水縣伯邑五百戶

太統初進爵中山公增邑通前一千戶孝閔踐祚封晉

國公邑萬戶

護子會封譚國公至封莒國公靜封崇業公滌封昌城公乾嘉封正平公

衛王直太祖子西魏封秦郡公武成初進封衛公建德三年進爵為王

齊王憲太祖子西魏封安城郡公明帝即位進爵齊國公邑萬戶建德三年進爵為王

憲子貴封安定郡公賈河間郡王寶中坦公乾

禧安城公乾

河龍溷公

趙王昭太祖子西魏封正平郡公武成初進封趙國公

建德三年進爵為王大象元年詔以雒州襄國郡邑萬

戶為趙國

昭子員封慶德公貫封永康王乾封既越公

譙王儉太祖子武成初封譙國公建德三年進爵為王  
陳王純太祖子也武成初封陳國公建德三年進爵為  
王大象元年詔以濟南郡邑萬戶為陳國

越王盛太祖子武成初封越國公建德三年進爵為王  
大象元年詔以豐州武當安昌二郡邑萬戶為越國

代王達太祖子武成初封代國公建德三年進爵為王  
大象元年詔以潞州上黨郡邑萬戶為代國

冀國公通太祖子武成初封

滕王迥太祖子武成初封滕國公建德三年進爵為王  
大象元年詔以荊州新野郡邑萬戶為滕國

安化王深太祖族子西魏累封長樂縣侯武成元年改  
封汝南郡公慶太祖族子從武帝克并州以功封幽公  
廣太祖兄子遵之子初封蔡公邑萬戶武帝時封幽公

紀王康孝閔帝子保定初封紀國公建德初進爵為王  
畢王賢明帝子保定四年封畢公建德三年進爵為王  
鄴王貞明帝子初封鄴國公建德三年進爵為王

漢王贊武帝子初封漢國公建德三年進爵為王

秦王贄曹王允道王充蔡王先荆王元俱並武帝子萊  
王衍郢王術皆宣帝子大象二年封

隋滕王瓚一名慧高祖母弟周世以太祖軍功封竟陵  
郡公高祖作相進邵國公及受禪立為滕王

子坦封竟陵郡公

衛王爽高祖異母弟也開皇初立為衛王二年賜爽實食梁安縣千戶

河間王弘高祖從祖弟高祖為丞相嘗置左右委心腹賜爵永康縣公開皇初進爵郡公尋贈其父為柱國尚書令河間郡公其年立弘為河間王

觀德王雄高祖族子在周封武陽縣公邑千戶大象中進爵邗國公邑五千戶高祖受禪進封廣平王食邑五千戶以邗公別封一子雄請封弟士貴許之尋改封清

漳王仁壽初高祖曰清漳之名未允聲望命職方進地  
圖上指安德郡以示羣臣曰此號足為明德相稱於是  
改封安德王大業中改封觀德王

雄弟遂寧子達在周封遂寧縣男高祖受禪進爵為子  
高陽郡公智明開封縣公智才並高祖弟慤之子開皇  
元年封

秦王俊高祖第三子開皇元年十一月封

俊子湛大業初封濟北侯

蜀王秀高祖第四子開皇元年立為越王未幾徙封於

蜀

漢王諒一名傑高祖第五子開皇元年封

齊王暕煬帝第二子開皇中立為豫章王食邑千戶煬  
帝即位進封齊王增邑四千戶

趙王杲煬帝小子年七歲以大業九年封

長寧王儼廢太子勇長子六歲封儼弟平原王裕安城  
王筠安平王嶷襄城王恪高陽王該建安王詔潁川王  
暉皆勇子也並開皇六年封



燕王倓越王侗並元德太子昭子大業二年封

唐平原王白駟國之宗室隋末封黃瓜公高祖武德元年受禪改封

永安王孝基高祖從父弟隋末封蜀郡公武德元年改封

淮南王神通高祖從父弟武德元年封永康王尋改封貞觀元年賜實封五百戶

神通子膠東王道彥高祖受禪封義興郡公武德五年

進封膠東王

道彥弟高密王孝察淄川王孝同廣平王孝慈河間王

孝友清河王孝節膠西王孝義貞觀初降爵為公

初高祖受禪以

天下未定廣封宗室以威天下皇從弟及姪年始孩童者數十人皆封為郡王太宗即位因舉宗正屬籍問侍臣曰徧封宗子於天下便乎尚書右僕射封德彝對曰歷觀往古封王者今最為多兩漢已降惟封帝子及親兄弟若宗室既遠者非有大功如周之郇滕漢之賈澤並不得濫封所以別親疎也先朝敦睦九族一切封王爵命既隆多給力役蓋以天下為私殊非至公馭物之道太宗曰朕理天下本為百姓非欲勞百姓以養己之親也於是宗室率以屬疏降爵郡公惟有功者數十人封王是時道彥等隨例降爵神通幼子孝逸初封梁郡

公光宅元年平徐  
敬業改封吳國公

襄邑王神符神通弟也義寧初封安吉郡公武德元年

進封襄邑郡公

神符次子德懋武德初封臨川郡王少子文暉魏郡王後例降為公

長平王叔良高祖從父弟也義寧初封長平郡公武德元年進爵為王

叔良弟新興王德良武德初封

德良弟長樂王幼良武德初封

襄武王琛高祖從父兄子也義寧初封襄武郡公武德

元年進爵為王

琛弟河間王孝恭初封趙郡公武德二年進爵為王九年賜實封邑千二百戶貞觀初以功臣之例封河間郡王

孝恭弟濟北郡王瑊武德中封

瑊弟漢陽郡公環武德元年封漢陽郡公五年進爵為王太宗即位例降爵為公

廬江王瑗高祖從父兄子武德元年封

淮陽王道玄高祖從父兄子武德元年封

江夏王道宗道玄從父弟武德元年封雒陽郡公武德  
五年授靈州總管梁師都據夏州遣弟引突厥兵數萬  
至其城下道宗閉門拒守伺隙而戰賊徒大破高祖聞  
而嘉之謂左僕射裴寂等曰道宗今能守邊以寡制衆  
若魏任城王彰臨戎却敵道宗勇敢有同於彼遂封為  
任城王貞觀三年以功賜實封六百戶十二年改江夏

王

道宗子景常  
封廬國公

隴西王博又渤海王奉慈皆高祖兄子武德元年封

巢王元吉高祖第四子義師起封姑臧郡公尋進封齊

國公武德元年進爵為王

元吉子梁郡王承業漁陽王承鑾普安王承獎江夏王承

裕義陽王承度

荆王元景高祖第六子武德三年封趙王貞觀十年徙

封

漢王元昌高祖第七子武德三年封為魯王貞觀十年

改封

鄴王元亨高祖第八子武德三年封

周王元方高祖第九子武德四年封

徐王元禮高祖第十子武德四年封鄭王貞觀六年賜  
實封七百戶徙封

韓王元嘉高祖第十一子武德四年封宋王五年徙封

徐王貞觀六年賜實封七百戶十年改封  
元嘉子潁川王訓武陵王

誼黃公讓

彭王元則高祖第十二子武德四年封荆王貞觀十年

改封

鄭王元懿高祖第十三子也武德四年封滕王貞觀七年賜實封六百戶十年改封

霍王元軌高祖第十四子武德六年封蜀王八年徙封吳王貞觀七年賜實封六百戶十年改封

虢王元鳳高祖第十五子武德六年封幽王貞觀七年

賜實封六百戶十年徙封號王

元鳳子定襄郡公宏東莞郡公融

道王元慶高祖第十六子武德六年封漢王八年改封



陳王貞觀九年賜實封八百戶十年改封

鄧王元裕高祖第十七子貞觀五年封鄆王十一年改

封

舒王元名高祖第十八子貞觀五年封譙王十一年徙

封元名子豫

章王

魯王靈夔高祖第十九子貞觀五年封魏王十年改封

燕王賜實封八百戶十四年改封

靈夔子清河王  
詵范陽王藹

江王元祥高祖第二十子也貞觀五年封許王十一年

徙封

密王元曉高祖第二十一子也貞觀五年封

滕王元嬰高祖第二十二子也貞觀十二年封

太原王承宗安陸王承道河東王承德武安王承訓汝

南王承明鉅鹿王承義

並為隱太子子  
史闕封年月

吳王恪太宗第三子武德三年封長沙郡王貞觀初改  
為漢王十年徙封

恪子成王千里初名仁永徽中恪被誅流于嶺表尋封

為鬱林縣侯中興初進封成王千里弟歸政郡王境中  
興初封

濮王泰太宗第四子武德三年封宜都郡王四年進封  
衛王貞觀二年改封越王十年徙封魏王十七年降封  
東萊郡王尋改封為順陽王二十一年進封濮王

齊王祐太宗第五子武德八年封宜陽王其年改封楚  
王貞觀二年徙封燕王十年改封齊王

蜀王愔太宗第六子貞觀五年封梁王十年改封

將王暉太宗第七子貞觀五年封郟王十年改封

暉子蔡國

公煌

越王貞太宗第八子貞觀五年封漢王十年改封原王

尋徙封越王

紀王慎太宗第十子貞觀五年封申王十年改封

慎子東平

王續義陽王琮楚國公督襄郡  
公秀廣化郡公獻建平郡公欽

江王囂太宗第十一子貞觀五年封

代王簡太宗第十二子貞觀五年封

趙王福太宗第十三子貞觀十三年封

曹王明太宗第十四子貞觀三十一年封

原王孝高宗第二子永徽元年封

澤王上金高宗第三子永徽元年封杞王乾封元年有  
罪削封邑仍於澧安置文明元年封畢王尋又改封澤  
王

許王素節高宗第四子永徽二年封雍王年十二改封  
郇王為則天讒嫉出為申州刺史則天誣以賊賄降封

鄱陽郡王仍於袁州安置文明元年封葛王尋又改封許王

安樂郡王光順高宗太子賢長子天授中封安樂郡王光順弟守義永安郡王文明中封捷為郡王垂拱四年徙封

守義弟邠王守禮本名光仁初封嗣雍王神龍元年進

封邠王

守禮子廣武郡王承宏開元初封燉煌郡王承家至德二年封

譙王重福中宗第二子初封唐昌王聖曆三年徙封平

安王長安四年進封譙王

襄王重茂中宗第四子聖曆三年封北海王神龍初進封温王為韋庶人所立韋氏敗茂遜位景雲二年改封襄王遷於集州

湖陽王宗暉中宗太子重俊子開元初封

寧王憲本名成器睿宗長子初封永平郡王長壽二年改封壽春郡王中宗即位改封蔡王加實封通舊七百戶固辭不敢當依舊為壽春郡王唐隆元年進封宗王

開元四年封寧王

憲子汝陽郡王璿濟陰郡王莊同安郡王均開元初封蒼梧郡開國公玠

晉昌郡開國公珽魏郡開國公瑄文安郡開國公瑾並天寶十一載封漢中王瑀初封隴西郡公天寶十五載

從玄宗幸蜀至漢

中因封漢中王

申王撝本名承義睿宗第二子垂拱三年封常山王尋

改封衡陽郡王睿宗踐祚進封申王

岐王範本名隆範睿宗第四子初封鄭王尋改封衛王

長壽二年徙封巴陵郡王睿宗踐祚進封岐王

範子河東郡王

瑾



薛王業本名隆業睿宗第五子垂拱三年封趙王長壽二年改封中山郡王又改封彭城郡王睿宗即位進封

薛王

業子樂安郡王  
瑗榮陽王瑒

汝南王隆悌睿宗第六子則天時封王

慶王琮玄宗長子景雲元年封許昌郡王先天元年進

封郟王開元十三年改封慶王

琮子鄭國公倣  
天寶十載封

新平郡王儼平原郡王伸皆玄宗第四子瑛之子也並

開元二十八年封

棟王琰玄宗第四子開元二年封鄆王十二年改封棟

王

琰子汝南郡王俱宜都王  
濟南王僑宗國公僑

豐王瑤玄宗第五子開元二年封

榮王琬玄宗第六子開元二年封鄆王十二年封榮王

琬子濟陰王

備北平王僭

光王琚玄宗第八子開元十三年封

儀王璿玄宗第十一子開元十三年封

璿子號國公供  
廣陵王僊臨川

僊王

穎王璪玄宗第十三子開元十三年封璪子滎陽郡王  
伸高邑郡王儼

楚國公規  
夔國公儼

永王璘玄宗第十四子開元十三年封璘子襄城郡王  
偁餘姚郡王儼

莒國公儼  
邠國公儼

壽王瑁玄宗第十八子開元十三年封瑁子德陽郡王  
儼濟陽郡王儼

廣陽郡王俱薛國公伉  
滕國公侑國子祭酒儼

延王玢玄宗第二十子開元十三年封玢子彭城郡王  
倬平陽郡王儼

魯國公儼  
荆國公儼

盛王琦玄宗第二十一子開元十三年封

琦子真定郡王儼武都郡

王佩徐國公  
俗許國公係

濟王環玄宗第二十二子開元十三年封

環子永嘉郡王僚平樂郡

王俛沛國公俱

信王璿玄宗第二十三子開元十三年封

璿子新安郡王侔晉陵郡

王侗吳國公  
保越國公俱

義王玘玄宗第二十四子開元十三年封

玘子舜陽郡王儀高密郡

王僂曹國公  
佳魏國公俗

陳王珪玄宗第二十五子開元二十三年封

珪子臨淮郡王佗安

陽郡王佗安南郡王倫代國公佖

豐王珙玄宗第二十六子開元二十三年封

珙子齊安郡王佖宜

春郡王佖野國公佖江國公佖

恒王瑱玄宗第二十七子開元二十八年封

涼王璿玄宗第二十九子開元二十三年封

璿子瀘陽郡王佖安

定郡王佖蒲國公佖鄭國公佖

汴王璿玄宗第三十子開元二十五年封

越王係本名儋肅宗第二子天寶中封南陽郡王至德

二年進封趙王乾元元年封

係子武威郡王建興道郡王適齊國公適並元年建

封 丑月

建寧郡王俊肅宗第三子天寶中封

代宗即位贈俊齊王大厯中追謚承

天皇 帝

西平郡王佖肅宗第四子天寶中封

寶應中追封衛王

彭王儉肅宗第五子天寶中封新城郡王至德二年進

封

僅子常山郡王鎮元年建丑月封

兗王儻肅宗第六子天寶中封潁川郡王至德二年進封

涇王倓肅宗第七子天寶中封東陽郡王至德二年進封

鄆王榮肅宗第八子天寶中封靈昌郡王

寶應中追封鄆王

襄王儻肅宗第九子至德二年封

杞王倓肅宗第十子至德二年封

呂王偁肅宗第十一子至德二年封

興王侑肅宗第十二子至德二年封

上元元年追贈太子

定王侗肅宗第十三子至德二年封

宋王僖肅宗第十四子初封淮陽王

後追封宋王

鄭王邈代宗第二子肅宗元年建丑月封益昌郡王寶

歷元年改封大歷九年贈昭靖太子

睦王述代宗第四子大歷十年封

述子汝源郡王調貞元四年封

丹王逾代宗第五子大歷十年封郴王建中四年改封

逾子寧朔郡王

訪貞元四年封



恩王連代宗第六子大曆十年封

連子景成郡王  
誨貞元四年封

韓王迥代宗第七子初封延慶郡王母曰獨孤皇后以

母寵既生而受封寶應二年封韓王

迥子安康郡王  
諳元和元年封

簡王遘代宗第八子大曆十年封鄜王建中四年改封

遘子恩平郡王  
誕貞元四年封

益王廼代宗第九子大曆十四年封

隋王迅代宗第十子大曆十二年封

蜀王逾代宗第十二子大曆十四年封

忻王造代宗第十三子大曆十年封

造子武威郡王諸貞元四年封

韶王暹代宗第十四子大曆十年封

暹子晉昌郡王翺貞元四年封

嘉王運代宗第十五子大曆十年封

運子新安郡王訢貞元四年封

端王遇代宗第十六子大曆十年封

遇子新興郡王誠貞元四年封

循王遙代宗第十七子大曆十年封

遙子平樂郡王護貞元四年封

恭王通代宗第十八子大曆十年封

原王達代宗第十九子大曆十年封

雅王逸代宗第二十子大曆十年封

舒王誼代宗太子邈之子以其最幼德宗憐之命為己子大曆十四年封舒王建中四年改封晉王貞元元年

復封舒王

誼子寧塞郡王涉貞元四年封

通王謚德宗第三子大曆十四年封

虔王諒德宗第四子大曆十四年封

肅王詳德宗第五子大曆十四年封

邕王諶順宗之子德宗愛之命為子貞元四年封

資王謙德宗第七子大曆十四年封

代王諱德宗第八子本封晉雲郡王

追封代王

昭王誠德宗第九子貞元二十一年封

欽王諱德宗第十子順宗即位封

珍王誠德宗第十一子順宗即位封

郊王經本名渇順宗第二子貞元四年封建康郡王二

十一年進封

均王緯本名沔順宗第三子貞元四年封洋川郡王二

十一年進封

淑王縱本名洵順宗第四子貞元四年封臨淮郡王二十一年進封

莒王紆本名浼順宗第五子貞元四年封弘農郡王二十一年進封

密王綯本名泳順宗第六子貞元四年封漢東郡王二十一年進封

郇王總本名湜順宗第七子貞元四年封晉陵郡王二十一年進封

邵王約本名淑順宗第八子初貞元四年封高平郡王  
二十一年進封

宋王結本名滋順宗第九子貞元四年封雲安郡王二  
十一年進封

集王綰本名淮順宗第十子初封宣城郡王貞元二十  
一年進封

冀王綽本名潛順宗第十一子貞元四年封德陽郡王  
二十一年進封

和王綺本名浥順宗第十二子貞元四年封河東郡王  
二十一年進封

衡王絢順宗第十三子貞元二十一年封

欽王績順宗第十四子貞元二十一年封

會王纁順宗第十五子貞元二十一年封

福王綰順宗第十六子母莊憲王皇后憲宗同出貞元  
四年封河東郡王二十一年封

珍王繕本名況順宗第十七子貞元四年封維交郡王

貞元二十一年進封

撫王絃順宗第十八子貞元二十一年封

岳王緄順宗第十九子貞元二十一年封

袁王紳順宗第二十子貞元二十一年封

桂王綸順宗第二十一子貞元二十一年封

翼王緝順宗第二十二子貞元二十一年封

蘄王緝順宗第二十三子咸通八年封

臣欽若等按順宗永貞至懿宗

咸通凡六十一歲始受封史臣之誤也



禮王暉本名寬憲宗第二子貞元二十一年封同安郡

王元和元年進封

暉子東陽郡王漢安陸郡王源臨川郡王演一作漢太和八年同封

深王悰本名察憲宗第四子貞元二十一年封彭城郡

王元和元年進封

悰子河內郡王潭吳興郡王淑淑一作叔太和八年封

洋王忻本名寰憲宗第五子貞元二十一年封高密郡

王元和元年進封

忻子潁川郡王沛太和八年封

絳王悟本名寮憲宗第六子貞元二十一年封文安元

和元年進封

悟子新安郡王洙高平郡王滂太和八年封

建王恪本名審憲宗第七子元和元年封

鄜王憬憲宗子

臣欽若等曰此復不言行第者史闕

長慶元年封

憬子平陽郡公

溥太和八年封

瓊王悅憲宗子長慶元年封

悅子河間郡王津

沔王恂憲宗子長慶元年封

恂子晉陵郡王瀛

發王懌憲宗子長慶元年封

懌子新平郡王清

茂王愔憲宗子長慶元年封

愔子武功郡王德

淄王協憲宗第十四子長慶元年封

協子許昌郡王澣

衡王澹憲宗子長慶元年封

澹子晉平  
郡王步

澶王悅憲宗子長慶元年封

悅子鴈門  
郡王濬

棟王惲憲宗子大中六年封

彭王愓憲宗子大中三年封

信王懜憲宗子大中十四年封

榮王憤憲宗子咸通三年封

漳王湊穆宗第六子長慶初封

安王溶穆宗第八子長慶元年封

晉悼懷王普敬宗長子寶歷元年封

梁王休復敬宗第二子開成二年封

襄王執中敬宗第三子開成二年封

樂平郡王寀執中第三子開成三年封

紀王言揚敬宗第四子開成二年封

宣城郡王儼敬宗太子成美子開成三年封

蔣王宗儉文宗第二子開成二年封

杞王峻武宗子開成五年封

益王峴 究王岐 德王嶧 昌王嵯 並武宗子 會昌二年封  
雍王漢 宣宗子也 會昌六年封

雅王涇 宣宗第二子 大中元年封

夔王滋 宣宗第三子 會昌六年封

慶王沂 宣宗第四子 會昌六年封

濮王澤 宣宗第五子 大中二年封

鄂王潤 宣宗第六子 大中五年封

懷王洽 宣宗第七子 大中八年封

昭王泂宣宗第八子大中八年封

康王汶宣宗第九子大中八年封

衛王灌宣宗子大中十一年封

廣王灃宣宗子大中十一年封

魏王侑懿宗子咸通三年封

涼王佖懿宗子咸通三年封

蜀王佖懿宗子咸通三年封

威王侃懿宗子咸通六年封

吉王保懿宗子咸通十三年封

睦王倚懿宗子咸通十三年封

建王震僖宗子中和元年封

益王陞僖宗子光啓三年封

德王裕昭宗長子大順二年封

棣王昶昭宗第三子乾寧二年封

虔王禊昭宗第五子乾寧二年封

沂王禔昭宗第六子乾寧二年封

欽定四庫全書

冊府元龜  
卷二百六十五

三

遂王禕昭宗第七子乾寧二年封

景王祕昭宗第八子乾寧四年封

祁王祺昭宗第十子乾寧四年封

雅王禎昭宗第十一子乾寧四年封

瓊王祥昭宗第十二子乾寧四年封

梁廣王金昱太祖長兄也開平元年封子衡王友諒惠

王友能邵王友誨並與父同受封

郢王友珪太祖子開平元年封



福王友璋太祖子開平元年封

賀王友雍太祖子開平元年封

建王友徽太祖子開平元年封

康王友孜太祖子乾化三年封

後唐永王存霸莊宗第二弟同光三年封

邕王存美莊宗第三弟同光三年封

申王存渥莊宗第四弟同光三年封

睦王存乂莊宗第五弟同光三年封

通王存確莊宗第六弟同光三年封

雅王存紀莊宗第七弟同光三年封

魏王繼岌莊宗子同光三年封

秦王從榮明宗第二子長興元年封

許王從益明宗幼子長興四年封

兗王從溫明宗猶子長興四年封

洋王從璋明宗猶子長興四年封

雍王從美末帝次子清泰元年封

臣欽若等曰自晉至周三代宗室皆投節

將而無王爵其追  
封領鎮各具遂門

冊府元龜卷二百六十五

欽定四庫全書

冊府元龜卷二百六十六 宋 王欽若等 撰

宗室部

儀貌 材藝

儀貌

洪範五事其一曰貌蓋所謂發乎容止著乎儀表者也  
矧乃託體霄極毓質局禁粹靈攸蘊光華允集乃有奇  
姿雋彩孤標傑出聳羣庶之瞻仰增藩戚之焜耀至或

風度閒曠舉措詳緩威稜峻發眄睐雄毅斯固有儀可  
象望之儼然者已其於稟肖魁怪方牘所記者亦備載  
云

後漢東平王蒼光武子為人美鬚髯腰帶十圍明帝甚  
愛重之詔曰向者問東平王處家何等最樂王言為善  
最樂其言甚大副是腰腹矣

下邳王衍明帝子有容貌童帝即位常在左右

蠡吾侯翼童帝子河間王之後元初六年徵詣京師鄧

太后竒翼美儀容以為平原懷王後

魏鄧哀王冲容貌姿美有殊於衆太祖時特見寵異

晉長沙王乂身長七尺

南陽王世子保體質豐偉嘗自稱重八百斤

清河康王暹字深度美容儀有精彩武帝愛之

宋廬陵王義真美儀貌神情秀徹

南郡王義宣白皙美鬚眉長七尺五寸腰帶十圍

南齊豫章王嶷身長七尺八寸善持容範文物衛從禮

冠百僚每出入殿省皆瞻望嚴肅

嶷弟宜都王鑑身長七尺狀似嶷咸以國器許之

隨郡王子隆年二十一而體過充壯常服茹蘆丸以自

消損

西陽王子明丰姿明淨士女觀者咸嗟嘆之

臨汝侯坦之肥黑無鬚語聲嘶時人號為蕭瘞

梁南康王恪弟定襄縣侯祇美風儀幼有令譽

鄱陽王範世子嗣容貌豐偉腰帶十圍



宜豐侯修為衛尉卿美姿貌每屯兵周衛武帝視之移輦  
臨川靜惠王宏身長八尺美鬚眉容止可觀

永陽嗣王伯游美風神善玄言

安陸王大春簡文子體貌瓌偉腰帶十圍

武寧王大威簡文子美風儀眉目如畫

陳衡陽王昌高祖子容貌偉麗精神秀朗

都陽王伯山字靜之文帝子偉容儀舉止閒雅喜愠不  
形於色文帝深器之

新安王伯固文帝子生而龜背目通睛皙白形狀眇小而俊辯善言論

建安王叔卿字子弼宣帝子性質直有材器容貌甚偉宜都王叔明字子昭宣帝子儀容美麗舉止和弱狀若婦人

後魏上黨王天穆性和厚羨形貌其子儼亦美材貌華山王鷲容貌魁壯腰帶十圍

東陽王丕淮南王他淮陽王元三人皆壯偉腰帶十圍

大耳秀眉鬚鬢班白百僚觀瞻莫不祇聳

望都公顏昭帝之後大武以顏美儀容進止可觀使迎

左昭儀於蠕蠕

秦明王幹子儀長七尺五寸容貌甚偉美鬚髯

陽平王他身長八尺美姿貌

南平王霄長九尺腰十圍貌魁偉雅有風則貞白卓然

甄成縣伯禹淮南王顯之子容貌魁偉

章武王彬子融字永興儀貌壯麗衣冠甚偉性通率有

豪氣

永昌王健明元子姿貌魁壯所在征戰常有大功

臨淮王彧美風韻善進止衣冠之下雅有容則

京兆王棕字魏慶善容貌風望儼然

城陽王鸞字宣明身長八尺腰帶十圍

北海王詳字季豫美容儀善舉止

陽平王新成子欽為尚書右僕射欽色尤黑故時人號

黑面僕射

濟南王彧姿制閒裕吐發流靡本名亮字仕明後啓求  
改名詔曰仕明風神運吐嘗自比荀文若可名彧以取  
定體相倫之美琅邪王誦有名人也見之未嘗不心醉  
忘疲

彭城王勰字彥和獻文子美容貌善風儀端嚴若神折  
旋合度出入言笑觀者忘疲

齊郡王簡字叔亮文成子母沮渠牧犍女簡貌類外祖  
咸陽王禧弟樹字秀和一字君立美姿貌位宗正卿後

奔梁梁武尤器之封為魏郡王

清河王懌字宣仁文宗子幼而敏慧美姿貌孝文愛之  
彭城王勰甚器異之並曰此兒風神外偉黃中內潤若  
天假之年比二南矣

北齊襄城王清神武子容貌甚美弱年有器望

南康王孝瑜文襄子容貌魁偉精彩雄毅

蘭陵王孝瓘文襄子貌柔心壯音容兼美

安德王延宗文襄子容貌充壯坐則仰偃則伏人笑之

乃赫然奮發

趙郡王叡高祖弟之子身長七尺容儀甚偉

清河王嶽字洪畧高祖從父弟長而敦直姿貌巍然沉  
深有器量

隋蜀王秀高祖子有膽氣容貌瓌璋美鬚髯多武藝為  
朝臣所憚

觀德王雄高祖族子美姿儀有器度雍容閒雅進止可  
觀

齊王暕字世壯煬帝子美容儀踈眉目少為高祖所愛  
趙王杲煬帝子聰令美容儀

燕王倓字仁安元德太子子美姿儀煬帝於諸孫中特  
所鍾愛常置左右

越王侗字仁謹元德太子子美姿儀性寬厚

唐江王元祥高祖子體質洪大腰帶十圍飲啖亦兼數  
人時韓王元嘉號王鳳魏王恭狀貌亦偉不逮於元祥  
滕王元嬰子涉壯貌類胡而豐碩



漢王泰太宗子帝以其腰腹洪大趨拜稍難令乘小輿  
至於朝所

申王撝睿宗子儀形瓌偉善於飲啖

夏悼王一玄宗子生而美秀帝鍾愛無比名之為一  
永王璘玄宗子貌陋視物不正

晉高祖幼子重睿肖高祖故尤鍾愛

漢魏王承訓字德輝高祖之長子少溫厚美姿儀高祖  
尤鍾愛

材藝

周官保氏以六藝教國子仲尼有言曰游於藝又曰吾何執執御乎執射乎蓋夫生民之秀自天攸縱靡不多能者矣矧乃鍾靈帝胄毓質宗翰憑席深厚英華發越至有博綜衆藝精覈數術旁通懸解俱臻其妙蓋出夫性習之自然志行之餘力也雖異乎詩書之雅言信義之成德亦猶賢於飽食終日無所用心者歟

周周公旦多材多藝

漢楚元王交多材藝

淮南王安為人好書鼓琴不喜弋獵狗馬馳騁

燕王旦壯大雄偉為人辨畧好星厯數術

廣川王去惠王越之子景帝孫也好方技博奕

定陶恭王康多材藝習知音樂

後漢北海王睦光武兄伯升孫也善史書當世以為楷

則及寢疾明帝驛馬令作草書尺牘十首

牘書版也蓋長一尺因以

名馬

陳王寵善弩射十發十中中皆同處

寵射其秘法以天覆地載參連為奇

又有三微三小三微為經三小為緯經緯相將萬勝之方然要在機牙

中平中黃巾賊起

國人素聞王善射不敢反叛

樂成靖王黨聰慧善史書喜正文字

魏陳侯仁太祖從弟也少好弓馬

邵陵侯貞太祖族子嘗獵為虎所逐顧射虎應聲而倒  
任成王彰太祖子少善射御膂力過人手格猛獸好擊

劍

陳思王植太祖子太祖遣邯鄲淳詣植植初得淳甚喜  
延入坐不先與談時天暑熱植因呼常從取水自澡訖  
傅粉遂科頭拍袒胡舞五椎鍛跳丸擊劍誦俳優小說  
數千言訖謂淳曰邯鄲生何如邪於是乃更着衣幘整  
儀容與淳評說混元造化之端品物區別之意然後論  
羲皇以來賢聖名臣烈士優劣之差次頌古今文章賦  
咏及當官政事宜所先後又論用武行兵倚伏之勢乃  
命厨宰酒炙交至坐席默然無與侘者及暮淳歸對其

所知嘆植之材謂之天人

吳建侯慮字子智太子發弟也少敏慧有材藝大帝器愛之

晉通吉亭侯勳宣帝弟恂曾孫便弓馬能左右射以勇聞

齊王攸文帝子善尺牘為世楷模

宋江夏王義恭善騎射解音律

長沙王道憐子義融歷五兵尚書領軍有質幹善於用

短楯

南齊臨川王映高帝子善騎射解聲律工左右書左右射

映子州陵侯游亦好音樂解絲竹雜藝

長沙王冕高帝子便弓馬武帝嘗幸鍾山冕從駕以馬稍刺道邊枯孽帝令左右數人引之銀纏皆卷聚而稍不出乃令冕復馳馬拔之應手便出每遠州獻駿馬帝輒令冕於華林中調試之

武陵王煜高帝子初高帝在淮陰雖為方伯而居處  
貧諸子學書無紙筆煜常以指畫空中及畫掌學字  
遂工篆法少時又無碁局又破荻為片縱橫以為碁  
局指點行勢遂至名品射為當時獨絕琅邪王瞻  
亦稱善射而不及煜也武帝幸豫章王嶷東田宴諸  
王獨不召煜嶷曰風景殊美今日甚憶武陵帝乃呼  
之煜善射屢發屢中顧謂四座曰手何如帝神色甚  
怪嶷曰阿五常日不爾今可謂仰藉天威帝意乃釋



後於華林賭射帝勅煜疊破凡放六箭五破一皮賜錢五萬

江夏王鋒高帝子年四歲宗蒼梧王欲害鋒高帝匿於張氏舍鋒好學書張家無紙札乃倚井欄為書書滿則洗之已復更書如此者累月又晨興不肯拂牕塵而先畫塵上學為書字五歲高帝使學鳳尾詔一學即工高帝大悅以玉麒麟賜之曰麒麟賞鳳尾矣好琴書蓋亦天性嘗觀武帝賜以寶裝琴乃於御前鼓之大見賞帝

謂鄱陽王鏘曰閣黎琴亦是柳令之流亞

時柳世隆為尚書令善彈

琴風韻清遠

其人事事有意吾欲試以臨人鏘曰昔鄒忌鼓

琴威王委以國政乃出為南徐州刺史工書為當時藩

王所推南郡王昭業亦稱工謂武帝曰臣書固應勝江

夏王武帝答曰閣黎第一法身昭業第二法身閣黎鋒

小名

宜都王鏗高帝子善射常以棚大濶曰終日射侯何難  
之有乃取甘蔗插地百步射之十發十中

魚復侯子響武帝子勇力絕人開弓四斛力數在園池中  
帖馬馳走竹樹下身無虧傷

竟陵王子良孫賁能書善畫於扇上圖山水咫尺之內  
便覺萬里為遙

曲江公暹欣子幾善草隸書

新浦縣侯子雲善草隸書為時指法自云善效鍾元常  
王逸少而微變字體子特亦善草隸

祁陽縣侯子範子乾善隸書得叔父子雲之法

梁廬陵王續武帝子少英果膂力絕人馳射應發命中  
武帝嘆曰此我之任城也常馳射於帝前續中兩麋冠  
於諸人帝大悅

邵陵王綸武帝子尤工尺牘

汝南侯堅綸之長子亦善草隸

永安侯確綸次子少驍勇尤工楷隸公家碑碣皆侯書  
之又習騎射與兵法

武陵王紀武帝子便騎射尤工舞稍頗學觀占善風角

南安侯駿長沙王懿孫也善草隸晚更習武膂力絕人  
河東王譽昭明太子子幼有驍勇馬上用弩

南郡王大連簡文子少俊爽能屬文舉止風流雅有巧  
思妙達音樂兼善丹青高帝幸朱方大連與兄大臨並  
從高祖問曰汝等習騎不對曰臣等未奉詔不敢輒習  
勅各給馬試大連兄弟據鞍往還各得馳驟之節高祖  
大悅即賜所乘馬及為啓謝詞又甚美

忠烈世子方等元帝子少聰敏有俊才善騎射尤長巧

思

陳遂興侯詳善書記談論清雅

始興王伯茂文帝子世祖深愛之是時征北軍人於丹徒盜發晉郗曇墓大獲晉右將軍王羲之書及諸名賢遺跡事覺其書並沒縣官藏於秘府世祖以伯茂好古多以賜之繇是大工草隸甚得右軍之法

長沙王叔堅宣帝子少傑黠尤好數術卜筮風角鎔金琢玉並究其妙

後魏淮陵侯大頭烈帝之後也善騎射

暨陽子可悉陵年十七從大武獵遇一猛獸遂空手搏之以獻帝曰汝才力絕人當為國立功立事勿如此也又從平涼州沮渠茂虔令一驍將與陵相擊兩槩皆折陵抽箭射之墜馬陵恐其救至未及拔劍以刀子戾其頸使身首異處帝壯之

高涼王孤多才藝有志畧

彭城公勅善射御

衛王儀有筭畧少能舞劔騎射膂力絕人弓將十石陳留王虔稍大稱異時人云衛王弓桓王稍

新蔡公幹儀子也善弓馬以騎從明元於白登之東北有雙鷗飛鳴於上帝命左右射之莫能中鷗旋飛稍高幹以二箭下雙鷗帝賜之御馬弓矢金帶一以旌其能軍中於是號幹為射鷗都將

上黨王天穆射有名

陳留王虔武力絕人每以矛細短大作之猶患其輕復



綴鈴於及下其弓力倍加常人嘗以稍刺人遂貫而高  
舉又嘗以一手頓稍於地馳馬偽退敵人爭取引不能  
出度引弓射之一箭殺二三人搃稍之徒亡魂而散徐  
乃令人取稍而去

河南王曜道武子嘗射雀於帝前中之帝驚嘆焉及長  
武藝絕人

永昌王徼明元子才藝比陳留桓王而智畧過之從大  
武襲蠕蠕越涿邪山詔徼殿後矢不虛發中皆應弦而

斃威震漠北

彭城王粟弟渾少善弓馬大武嘉之會有諸方使命渾射獸三頭發皆中之舉坐咸以為善

陽豐侯庫汗渾子也為羽林中郎將從北巡有兔起乘輿前命庫汗射之應弦而斃大武悅賜一金兔以旌其能

南平王渾道武孫好弓馬射鳥輒厯飛而殺之日射兔得五十頭時皆嘆異焉大武嘗命左右分射勝者中的

籌滿詔渾解之三發皆中太武大悅噐其藝能嘗引侍左右賜馬百匹僮數十人

新興王俊明元子少善騎射多藝

南安王英性識聰敏博聞強記便弓馬解吹笛微曉醫術

北海王詳獻文子嘗從車駕至文成射銘之所孝文停駕詔諸弟及侍臣皆試射遠近唯詳箭不及文成箭所十餘步孝文嘉之拊掌欣笑遂詔勒銘親自為制

晉陽縣伯贊弟淑彎弓三百斤善騎射

東阿公順任城王澄子篤志愛古解鼓琴

彭城王邵獻文孫也少有氣節善武藝

濮陽王順善射孝武在洛於華林園戲射以銀酒卮容  
二升許懸於百步外命善射者十餘人共射中者即以  
賜之順發矢即中帝大悅並賞金帛順仍於箭孔處鑄  
一銀童足蹈金蓮手持剡炙遂勒背上序其射功

北齊趙郡王琛神武弟少便弓馬有志氣

永南王俊神武子豪爽有氣力善騎射為文襄所愛  
上黨王渙神武子力能扛鼎材武絕倫每謂左右曰人  
不可無學但不為博士耳故讀書頗知梗槩而不甚耽  
習

河南王孝瑜字正德文襄長子覆碁不失一道

廣寧王孝珩文襄子愛賞人物有技藝嘗於廳事壁自  
畫一蒼鷹見者皆以為真又作朝士圖亦當時之妙絕  
後周東平公神舉文帝族子父顯和膂力絕人彎弓數

百斤能左右馳射從孝武入關至漆水帝素聞其善射而未之見俄而水傍有一小鳥顯和射中之帝笑曰我知卿工矣神舉尤工騎射

汝南王慶神舉弟沉深有器局善射有膽氣好格猛獸從武帝伐齊與賊爭進慶射之所中人必倒賊乃稍却代王達文帝子性果決善騎射

齊殤王憲之子貴字乾福少聰敏尤便騎射年十一從憲獵於鹽州一圍之中手射野鳥及鹿一十五

隋義城公處綱高祖族父也生長北邊少習騎射

滕穆王瓚子綸字斌籀性弘厚頗解鍾律

齊王暕字世拙煬帝子頗涉經史尤工騎射

唐漢王元昌高帝子性警悟有勇力工騎射頗涉文史  
兼能隸書

霍王元軌高祖子少善騎射初為吳王時嘗從太宗遊  
獵遇羣獸命射之矢不虛發獸無遺者太宗撫其背曰  
汝才藝過人恨今無所施耳當天下未定我得汝豈不

要乎

徐王元禮高祖子少恭謹善騎射

琅邪王冲越王貞長子好文學善騎射歷陳壽博州刺史皆有能名

江都王緒霍王元軌長子少好學有雋才能書畫騎射為一時之絕

吳王恪太宗第三子少善騎射太宗甚愛之

濮王泰太宗第五子少好學善屬文工草隸待賢禮士



深為太宗所愛

紀王慎太宗第十子慎好學解天文明練吏事皇族中  
與越王貞齊名時人號為紀越

光王瑫玄宗子有才力善騎射

永王璘玄宗第十六子少聰敏善草隸

齊王倓肅宗子英毅有才畧善騎射

梁朱友倫太祖仲兄存次子幼歲從師讀書稍長學歐  
陽詢筆蹟甚得其體勢弱冠有壯志嘗侍立帝側陳自

試之請帝笑曰昔之東阿今復爾耳

冊府元龜卷二百六十六

欽定四庫全書

冊府元龜卷二百六十七 宋 王欽若等 撰

宗室部

孝行

有若有言曰孝弟也者其為仁之本歟矧乃公族之賢宗室之懿躬履至行出於天性或承顏侍膳就養無方或攀慕時思永懷罔極因心表於童丕寧戚逮於毀傷斯皆國風忠厚之美人倫模範之盛傳所謂常守富貴

能保社稷者諸侯之孝也又何止不驕不溢云乎哉固將錫類以貽休興仁而成化矣

周公旦武王之弟

以太王所居周地為其采邑故謂周公

自文王時旦為

子仁孝異於羣子

漢梁孝王文帝之子為人慈孝每聞太后病口不能食常留長安侍太后太后亦愛之

楚孝王囂成帝河平中入朝被疾天子聞之下詔曰蓋聞天地之性人為貴人之行莫大於孝楚王囂素行孝

順朕甚嘉之

河間惠王良循其祖獻王之行母太后薨服喪如禮哀  
帝下詔褒揚曰河間王良喪太后三年為宗室儀表其  
益封萬戶

後漢淄川王終泗水王歆之子歆薨終居喪思慕哭泣  
二十餘日亦薨

東海孝王臻頃王肅之子臻及弟蒸鄉侯儉並有篤行  
母卒皆吐血毀皆皆或作脊至服練紅兄弟追念頃王初喪

幼小哀禮有闕因復重行喪制

既祥之後而服練也練衣繚緣黃裏繚即紅也

琅邪孝王京光武之子性恭孝

東平孝王敞喪母至孝國相陳珍上其行狀任城王博有孝行喪母服制如禮

清河王慶明帝之子母宋貴人為竇后所譖自殺慶常以貴人葬禮有闕每竊感恨至四節伏臘輒祭於私室

竇氏誅後

謂竇憲伏誅後

始使乳母於城北遙祠及竇太后葬

慶求上冢致哀和帝許之詔大官四時給祭具慶垂泣

曰生雖不獲供養終得奉祭祀私願足矣欲求作祠堂恐有自同恭懷梁后之嫌遂不敢言常泣向左右以為沒齒之恨後上言外祖母王年老遭憂病下土無醫藥願乞詣雒陽療疾於是詔宋氏悉歸京師和帝厭世慶號泣前殿嘔血數升因以發病及病篤謂宋衍等曰清河埤薄欲乞骸骨於貴人家傍下棺而已朝廷大恩猶當應有祠堂庶母子并食魂靈有所依庇死復何恨乃上書於太后曰臣國上下濕願乞骸骨下從貴人於樊

濯雖沒且不朽矣及今口目尚能言視冒昧干請命在  
呼吸願蒙哀憐遂薨

濟北孝王次釐王安國之子九歲喪父至孝桓帝建和  
元年梁太后下詔曰濟北王次以幼年守藩躬履孝道  
父沒哀慟焦毀過禮草廬土席哀杖在身頭不批沐體  
生瘡腫諒閭已來二十八日自諸國有憂未之聞也朝  
廷甚嘉焉書不云乎用德彰厥善詩云孝子不匱永錫  
爾類今增次封五千戶廣其土宇以慰孝子惻隱之勞



彭城孝王和頌王定之子性至孝太夫人薨行喪陵次  
毀脊過禮傅相以聞桓帝詔使奉牛酒迎王還宮

魏長平侯休太祖族子文帝時為征東將軍領揚州刺  
史休喪母至孝帝使侍中奪喪服使飲酒食肉休受詔  
而形體益憔悴乞歸譙葬母帝復遣越騎校尉薛喬  
奉詔節其憂哀使歸家治喪一宿便葬訖詣行在所  
帝見親自寬慰之其見愛重如此

陳王志思王植之子遭母憂居喪盡哀因得疾病喜怒

失常

晉扶風武王駿宣帝子有孝行母伏太妃隨兄亮在官  
駿常涕泣思慕若聞有疾輒憂懼不食或時委官定省  
新野王歆駿之子謹身履道母臧太妃薨居喪過禮以  
孝聞

齊獻王攸文帝之子景帝無子攸為嗣景帝山陵攸年  
十歲哀動左右大見稱歎襲封武陽侯奉景獻羊后  
子別第事后以孝聞及居文帝喪哀毀過禮杖而後起

左右以稻米乾飯雜理中丸進之攸泣而不受太后自往勉喻曰若萬一加以他疾將復如何宜遠慮深計不可專守一志常遣人逼進飲食後太后有疾既瘳武帝與攸奉觴上壽攸以太后前疾危篤因歔欷流涕帝有愧焉攸侍帝病有憂戚之容時人以此稱歎之攸至性過人有觸其諱者輒泣然流涕雖武帝亦憚之每引之同處必擇言而後發

攸子武閔王同初攸有疾武帝不信遣太醫診候皆言

無疾及攸薨帝往臨喪罔號踊訴父病為醫所誣詔即  
誅醫繇是見稱遂得為嗣

成都王穎武帝子與齊王罔誅趙王倫迎太子反正穎  
遂歸鄴遣信與罔別罔大驚馳出送穎至七里澗及之  
穎住車言別流涕不及時事惟以太妃疾苦形於顏色  
百姓觀者莫不傾心

高陽元王珪安平獻王孚之子為北中郎將督鄴城守  
諸軍事泰始中入朝以父孚年高乞留供養拜尚書遷

僕射

長沙厲王又武帝子年十五居武帝喪孺慕過禮會楚  
王瑋奔喪諸王皆近路迎之又獨至陵所號慟以俟瑋  
武陵忠敬王遵威王晞之子初襲封新寧時年十二受  
拜流涕哀感左右

東安王繇事親孝居喪盡禮

宋建平王景素宣簡王宏之子性甚仁厚事母太妃朝  
夕不違侍養太妃有不安景素傍行蓬髮與人言煦煦

常傷其情

南齊豫章文獻王嶷高帝第二子居帝喪哀號過度眼  
耳俱出血

祁陽縣侯子範嶷子也有孝性丁所生母憂居喪以毀  
聞

武陵昭王暉高帝第五子母羅氏從帝淮陰以罪誅暉  
年四歲思慕不異成人每慟吐血高帝勅武帝曰三昧  
至性如此恐不濟汝可與共住每抑割之三昧暉小字

也

始興王鑑高帝第十子年八歲喪所生母號慕過人數日中便至骨立豫章文獻王聞之撫其身嗚咽謂高帝曰此兒操行異人恐其不濟帝亦悲不自勝

衡陽王鈞高帝第十一子年五歲所生區貴人病便加慘悴左右依常以五色餅飴之不肯食曰須待姨差年七歲出繼衡陽元王見高帝未拜便涕泗橫流高帝執其手曰伯叔父猶父勿怨所以令汝出繼以汝有意堪

奉烝嘗故耳即敕外如先給通幃車雉尾扇等事事依  
正王區貴人卒居喪盡禮服闋凡羸骨立登車三上不  
能升乃止典籤曹道人具以聞武帝即幸鈞邸見之愴  
然還謂褚綦曰昨見衡陽猶竒毀損卿可數相撫悅先  
是貴人以花釵厨子并剪刻錦繡中倒炬鳳凰蓮芰星  
月之屬賜鈞以為玩弄貴人亡後每歲時及朔望輒開  
視再拜哽咽見者皆悲

宜都王鏗高帝第十六子生三歲喪母及有識問母所



在左右告以早亡便思慕蔬食自悲不識母常祈請幽冥求一夢見至六歲遂夢死見一女人云是其母鉉泣向舊左右說容貌衣服事皆如平生聞者莫不歔歔

河東王鉉高帝第十九子年三四歲帝晝卧纏髮鉉上高帝腹上弄繩高帝因以繩賜鉉及喪帝後鉉以寶函盛繩歲時輒開視嗚咽流涕人才至凡而有此一至

竟陵王子良武帝第二子帝為贛縣時與裴后不諧遣人般送后還都邑已登路子良時年少在庭前不悅帝

謂曰汝何不讀書子良曰孃今何處何用讀書帝異之  
即詔后還縣

晉安王子懋武帝第七子年七歲時母阮淑媛嘗病危  
篤請僧行道有獻蓮花供佛者衆僧以銅甕盛水漬其  
莖欲花不萎子懋流涕禮佛曰若使阿姨因此和勝願  
諸佛令花竟齋不萎七日齋畢花更鮮紅視甕中稍有  
根鬚當時稱其孝感

南海王子罕武帝第十一子母樂容華嘗寢疾子罕晝

夜禱祈於時以竹為燈續照夜此續宿昔枝葉大茂母病亦愈咸以為孝感所致主簿劉駿及侍讀賀子喬為之賦頌當時以為美談

南豐伯穎胄高帝從祖弟赤斧之子遭父喪感脚疾數年然後能行武帝有詔慰勉賜醫藥

新吳侯景先高祖從子少遭父敬宗喪有至性帝嘉之梁安成康王秀高祖弟年十二所生母吳太妃亡秀母弟始興王憺時年九歲並以孝聞居喪累日不進飲太

祖親取粥授之哀其早孤命側室陳氏並母二子陳亦無子有母德視二子如親生焉

臨川靜惠王宏高祖弟也宏所生母陳太妃寢疾宏與母弟南平元襄王偉侍疾衣不解帶每二宮參問輒對使泣涕及太妃薨水漿不入口者五日高祖每臨幸慰勉之偉雖奉詔而毀瘠殆不勝喪先是齊末宏避難潛伏與太妃異處每遣參太妃消息或謂宏曰逃難須密不宜往來宏銜淚答曰乃可無我不可於此事暨廢

鄱陽忠烈王恢高祖弟也有孝性初鎮蜀所生費太妃  
猶停都下後於都不豫恢未之知一夜忽夢還侍疾既  
覺憂惶便廢寢食俄而都信至太妃已瘳後又有目疾  
久廢瞻視有北度道人慧龍得治眼術恢請之既至空  
中忽見聖僧及慧龍下鍼豁然開朗咸謂精誠所致  
恢孫宜豐侯修性至孝年十二丁所生徐氏喪自荊州  
反葬中江風前後部伍多致沈溺修抱柩長號血淚俱  
下隨波搖蕩終得無他葬訖因廬墓次先時山中多猛

獸至是絕跡野鳥馴狎棲宿簷宇武帝嘉之以頌告宗室

始興忠武王憺高祖弟始數歲所生母吳太妃卒憺哀感傍人後為荊州刺史慈母陳太妃薨水漿不入口六日居喪過禮高祖優詔勉之使攝州任

憺子新喻侯映為淮南太守丁父憂隆冬席地哭不絕聲不嘗穀粒惟飲冷水因患癥結除太子洗馬

映弟上黃侯暉自憺不豫侍疾衣不釋帶言與淚并憺

薨杖而後起服闋後居太后憂泣血三年

桂陽嗣王象高祖兄子容止閒雅事所生母以孝聞

南康簡王績高祖子為江州刺史丁董淑儀憂居喪過禮高祖手詔勉之使攝州任固求解職乃徵授安右將軍領石頭戍軍事尋加護軍羸瘠弗堪視事

績子通理生十旬而績薨至三歲能言見內人分散涕泣相送通理問其故或曰此簡王宮人喪畢去耳通理便號泣悲不自勝諸宮人喪畢見之莫不傷感為之停

者三人焉服闋後見高祖又悲泣不自勝高祖為之流涕謂左右曰此兒大必為奇士

南海王大臨簡文帝子年十一遭左夫人憂哭泣毀瘠以孝聞

義安王大昕簡文帝子始四歲母陳夫人卒便哀慕毀頰有若成人及簡文居高帝喪大昕奉慰嗚咽不能自勝左右見之莫不掩泣

西昌侯藻高祖兄長沙王懿之子懿仕齊為東昏侯所



害藻常布衣蒲席不食鮮禽非在公庭不聽音樂高祖每以此稱之

吳平侯景高祖從父弟父崇之為東陽太守遇害景八歲隨父在郡居喪以毀聞

景子勵為太子洗馬以母憂去職殆不勝喪每一思至必徒步之墓或遇風雨仆卧中路坐地號慟起而復前家人不能禁景特所鍾愛曰吾百年後其無此子乎使左右節哭服闋除太子中舍人景薨於郢鎮或以路遠

秘其凶問以疾漸為辭勵乃奔波屆於江夏不進水漿  
七日廬於墓所親友隔絕會叔父曇下詔獄勵乃率昆  
弟羣從同詣大理雖門生故吏莫能識之後襲封吳平  
侯對揚王命悲慟嗚咽傍人亦為隕涕

陳鄱陽王伯山文帝子也丁所生母憂居喪以孝聞後  
主嘗幸吏部尚書蔡徵宅因往弔之伯山號慟殆絕因  
起為鎮衛將軍仍謂羣臣曰鄱陽王至性可嘉又是西  
第之長豫章已兼司空其亦須遷太尉未及發詔而伯

山薨

後魏任城康王雲太武帝弟始五歲恭宗薨

太武長子也丈成追

尊為景穆皇帝廟號恭宗

號哭不絕聲太武聞之而呼抱之泣曰汝

何知而有成人之意後為征東大將軍開府徐州刺史以太妃蓋氏薨表求解任獻文不許雲悲號慟疾乃許之

雲子文宣王澄字道鏡少而好學父康王薨澄居喪以孝聞後為征北大將軍定州刺史孟太妃薨居喪毀瘠

當世稱之

澄子東阿文烈公順為太常少卿以父憂去職哭泣嘔血身自負土時年二十五便有白髮免喪抽去不復更生世人以為孝思所致澄初為吏部尚書兼右僕射順後亦為之順上省登階向榻見榻甚故問都令史徐件起件起曰此曾經先王坐順即哽塞涕泗交流久而不能言遂令換之

南安王楨景穆之子也性忠謹事母以孝聞高祖賜帛

千匹以褒之

彭城王勰字彥和獻文帝之子生而母潘氏卒其年獻文喪及有所知啓求追服文明太后不許乃毀瘠三年弗參吉慶孝文大竒之

臨淮王提為梁州刺史以貪縱削除加罰徙配北鎮久之提子員外郎穎免冠請解所居官代父邊戍孝文不許

提子濟南王昌好文學居父母喪哀號孺慕悲感行人

昌子彧詔封濟南王為東道行臺會爾朱榮入雒殺害元氏遂奔於梁及知莊帝踐祚彧以母老請還辭旨懇切梁武帝惜其人才又難違其意遣其僕射徐勉私勸彧留彧曰死猶願北況於生也乃以禮遣彧性至孝自經違離不進酒肉容貌憔悴見者傷之

艾陵伯長子子華母房氏曾就親人飲食夜還大吐人以為中毒母甚憂懼子華遂擲吐盡嗽之其母乃安

饒陽男遙京兆王子推之子為左衛將軍宣武初遭所

生母憂表請解任詔以餘尊所厭不許

馮翊王亨年十二恭帝在儲宮引為交友大統末襲父  
季爵邑千戶授拜之日悲痛不能自勝

北齊清河王岳神武從父弟任魏為京畿大都督元象  
元年遭母憂去職岳性至孝盡力色養母若疾衣不解  
帶及遭喪哀毀骨立神武深以憂之每日遣人勞勉

宣城郡公叡高祖弟趙郡王琛之子生三旬而孤為高  
祖所愛養於宮中令游娘母之至四歲未嘗識母其母

則魏華陽公主也有鄭氏者獻母之從母姊妹之女戲  
語獻曰汝是我姨兒何因倒親游氏獻因問訪遂精神  
不怡高祖甚以為怪疑其感疾欲命醫看之獻對曰兒  
無患苦但聞有所生欲得覩見高祖驚曰誰向汝道耶  
獻具陳本末高祖命元夫人令就宮與獻相見獻前跪  
拜因抱頸大哭高祖甚以悲傷語平秦王歸彥曰此兒  
天生至孝我兒子無有及者遂為休祿一日獻初讀孝  
經至資於事父輒流涕歔歎十歲喪母高祖親送獻至



領軍府為獻發喪舉聲殞絕哀感左右三日水漿不入  
口高祖與武明婁皇后殷勤敦譬方漸順旨居喪盡禮  
持佛像長齋至於骨立柱而后起高祖令常山王共卧  
起日夜說喻之并勅左右不聽進水雖絕清漱午後輒  
不肯食繇是高祖食心喚獻同案其見愍惜如此居高  
祖喪哭泣嘔血及壯將為婚娶而貌有戚容世宗謂之曰  
我為爾娶鄭述祖女門閥甚高汝何所嫌而精神不樂  
獻對曰自痛孤遺常深膝下之慕方從昏冠彌用感切

言未卒嗚咽不自勝世宗為之憫然天統中追贈獻父  
琛假黃鉞母元氏趙郡王妃諡曰貞昭華陽長公主如  
故有司備禮儀就墓拜授時隆冬盛寒獻跣步號哭面  
皆破裂嘔血數升及還不堪參謝帝親就第省問

博陵王濟神武第十二子嘗從文宣巡幸在路忽憶太  
后遂逃歸帝怒臨以白刃因此驚怛

平秦王歸彥高祖族弟嫡母康氏所生母王氏並為太

妃善事二母以孝聞

是時南陽王綽兄弟皆呼父為兄兄  
嫡母為家家乳母為姊姊婦為妹妹

後周邵惠公顥文帝之長兄性至孝居德皇后喪哀毀  
過禮德皇帝與衛可孤戰陞馬顥與數騎奔救乃免顥  
遂戰沒保定初追封焉顥曾孫幽公廣母李氏以廣患  
彌年憂而成病因此致卒廣居喪更加綿篤及以毀薨  
世稱母為廣病廣為母死慈孝之道極於一門高祖素  
服親臨百僚畢集故吏儀同李克信等上表論其忠孝  
其宿志期以窀穸之禮庶存儉約伏願聽許詔從之遂  
贈本官加太保塋於隴右

齊王憲所生達步干氏孀孀人建德三年冊為齊國太妃  
憲有至性事親以孝聞太妃舊患風熱屢經發動憲衣  
不解帶扶持左右憲或東西從役每心驚其母必有疾  
乃馳使參問果如所慮

隋趙王杲煬帝幼子性至孝嘗見帝風動不進膳杲亦  
終日不食又蕭后當灸杲先請試炷后不許之杲泣請曰  
后所服藥皆蒙嘗之今灸願聽嘗炷悲咽不已后竟為  
其停灸繇是尤愛之

燕王侯元德太子次子母曰大劉良娣煬帝於諸孫中  
特所鍾愛良娣早終倓每至忌日未嘗不流涕嗚咽帝  
繇是益以奇之

唐韓王元嘉年十五在潞州聞大妃病便涕泣不食至  
京發喪哀毀過禮太宗嗟其至性屢慰勉之

道王元慶事母以孝聞高宗顯慶中太妃薨上表請躬  
修墳塋詔不許之

薛王業母終從母賢妃親鞠養之至是迎賢妃出外宅

事之甚謹同母妹淮陽涼國二公主公主早卒業撫愛其子逾於己子睿宗以業孝友特加親愛

信安郡王禕少有志尚事繼母甚謹撫繼母所生弟祇等以友愛稱玄宗開元中丁母憂去官起復授瀛州刺史又上表固終喪制許之

高平王道立孫涵有名宗室代宗寶應元年初平河朔拜涵左庶子兼中丞河北宣慰使丁母憂起復本官而往每至州縣郵驛公事之外都不發言蔬食飲水席地

而息使還固請罷官終喪制代宗以其毀瘠許之

嗣曹王臯奉太妃鄭氏以孝聞後為衡州刺史持坐小  
法御史覆訊懼貽太妃憂出則素服入則公服言貌如  
平常太妃不之知也及為潮州刺史詭詞謂遷官屬楊  
炎貶官在道知臯事直後炎作相復以為衡州刺史方  
且以事白太妃因泣下具言非疾不敢有聞其沈密重  
慎如此比貞元初為江陵尹乃請歸東都祔喪德宗使  
中使弔之贈臯父右僕射母鄭氏曹國太妃既葬朝於

京師詔還鎮出東都將以拜墓觀者榮之

後唐昭義節度使李嗣昭太祖弟克柔之子在昭義為  
梁師所圍及莊宗解夾城之圍嗣昭知太祖棄世號踊  
毀瘠殆不勝喪



冊府元龜卷二百六十七